

N. 20.

A. D. 1273.

(25 novembre, Indiz. I).

<i>Data di luogo</i>	Conversano.
<i>Rogatorio</i>	Riccardo, notaio.
<i>Descrizione</i>	Gotica. La pergamena è corrosa, lacera, macchiata: il carattere in gran parte sbiadito. 24 × 41.
<i>Contenuto</i>	L'Abbadessa Isabella elegge procuratore suo e del Monastero Mannetto de Horatiis, dimorante nella Curia Romana per tutti i bisogni della comunità.
<i>Bibliografia</i>	Inedita.

Anno a nativitate domini nostri Ihesu Cristi [millesimo ducentesimo] septuagesimo tercio, regni vero domini nostri regis Karoli dei gratia regis Sicilie, ducatus Apulie et Principatus Capue, alme urbis senatoris, Andegavie provincie et Forcalquerii comites (ac Romani imperii in Tuscia Vicarii generalis, anno octavo mense novembris vicesimo quinto eius, prime Indictionis. Nos soror Isabella Abbatissa et conventus monasterii S. Benedicti de Cupersano Cisterciensis ordinis, in presencia dopnorum Iohannis de Silvanis et Angeli de Iohannacio iudicum Cupersani, Riccardi puplici, eiusdem terre notarii, Roberti, Nicolai et Pardi notariorum et Leonis de Baro, bona nostra et gratuita voluntate stante nobiscum iudice Pardo advocato nostro, facimus, constituimus et ordinamus legitimum procuratorem nostrum in Romana curia magistrum Mannectum de Horatiis in Romana curia commorantem, de cuius fide confidimus ab experto, ad agendum, defendendum, excipiendum, replicandum, libellum dandum, litem contestandum, legaliter satisfactionem prestandam, sententias audiendum, appellandum si necesse fuerit, et appellationes prosequendum et prestandum, cuiuslibet generis iuramentum coram quocumque iudice vel auditore dato seu dando contra quascumque personas tam Ecclesiasticas quam seculares et generaliter ad omnia et singula faciendum que legitimus procurator facere potest et debet, et generaliter ad petendum benefitium restitutionis in integrum et ad impartendum privilegia, indulgentias et omnes licteras tam simplices quam legendi (*sic*) gratiam seu iustitiam continente, contradicendum, narrandum et in iudices conveniendum et recusandum, dantes eidem plenam potestatem et speciale mandatum in omnibus causis nostri motis et movendis, alium vel alios procuratores loco sui constituendum et revocandum eosdem si viderit expedire, promictentes nos ratum et firmum haberé quicquid idem magister Mannetus, procurator noster vel constitutus seu constituti ab eo in premissis et premissorum quolibet duxerit vel duxerint faciendum. In cuius rei fidem presens procurationis puplicum scriptum per manus prefati notarii exinde fieri fecimus, signo ipsius solito, sigillis nostris qui supra Abbatissa et Conventus predicti iudicum et testium subscriptionibus roboratum. Quod quidem ego predictus Riccardus puplicus cupersani notarius, qui predictis interfui, mandato predictorum domine Abbatisse et Conventus taliter scripsi et

meo consueto signo signavi. Actum in Cupersano, anno, mense, die, et indictione pretulatis.

30

† Iohannes de Silvanis Cupersani iudex.

† Angelus de Iohannicio Cupersani iudex.

† Ego Robertus publicus Cupersani notarius testis sum.

† Ego Notarius Nicolaus testis sum.

† Ego Pardus publicus Cupersani notarius.

35

† Ego Leo negotiator Simonis filius.

Vi sono i fori nei quali passavano i cordoncini che assicuravano i due sigilli dell'Abbatessa e del monastero.